



Broj: 02/1-50-1-22-36/09

Dana, 23.4.2009. godine

Z A P I S N I K

sa 36. sjednice Ustavnopravne komisije Doma naroda Parlamentarne skupštine BiH održane 23.4.2009. godine.

Sjednica je održana 23.4.2009. godine sa početkom u 9 i 30 sati.

Sjednici su prisustvovali članovi Komisije :

1. Ivo Miro Jović,
2. Slobodan Šaraba,
3. dr Hilmo Neimarlija,
4. Zoran Koprivica,
5. Rudo Vidović.

Sjednici iz opravdanih razloga nije prisustvovao Sulejman Tihić, drugi zamjenik predsjedavajućeg Komisije.

Sjednici je prisustvovao i dr. Zijad Hasić, sekretar Komisije.

Od gostiju, sjednici Komisije su prisustvovali: Mediha Delalić, Sektor za odnose s javnošću Parlamentarne skupštine BiH; Sredoje Nović, ministar Ministarstva civilnih poslova BiH; Damir Dizdarević, pomoćnik ministra Ministarstva civilnih poslova BiH i Amra Zorlak, pravni pomoćnik OSCE Odjela za ljudska prava.

Na početku sjednice, vođena je rasprava o tačkama dnevnog reda.

Na prijedlog predsjedavajućeg Komisije , **Ive Mire Jovića**, članovi Komisije su usvojili slijedeći

D N E V N I R E D

1. Verificiranje Zapisnika 35. Sjednice Komisije;
2. Realiziranje ranije donesenih zaključaka;
3. Prijedlog zakona o izmjenama i dopunama Zakona o Agenciji za rad i zapošljavanje; predlagač Vijeće ministara BiH; (osnovni zakonodavni postupak: Postupak u nadležnoj komisiji čl. 102.-107. Poslovnika);
4. Ostala pitanja

Ivo Miro Jović, predsjedavajući Komisije , predložio je diskusiju o ovoj tački Dnevnog reda.

Nije bilo diskusije o Zapisniku s 35. sjednice.

Nakon toga, Komisija je jednoglasno usvojila zapisnik 35. sjednice.

Ad. 2. Realiziranje ranije donesenih zaključaka

U uvodu za ovu tačku dnevnog reda, **Ivo Miro Jović**, predsjedavajući Komisije, predložio je da sekretar Komisije, po običaju, prezentira stanje zaključaka i njihove realizacije.

D.r Zijad Hasić, sekretar Komisije, upoznao je članove Komisije o stanju zaključaka. Govorio je o svim zaključcima i stanju realizacije usvojenih zaključaka.

Nakon toga, članovi Ustavnooprane komisije Doma naroda Parlamentarne skupštine Bosne i Hercegovine primili su k znanju prezentaciju zaključaka.

Ad. 3 Prijedlog zakona o izmjenama i dopunama Zakona o Agenciji za rad i zapošljavanje; predlagač Vijeće ministara BiH

U uvodu za ovu tačku dnevnog reda, **Ivo Miro Jović** je ukazao na slijedeće:

Predlagač Vijeće ministara Bosne i Hercegovine dostavilo je, 7.1.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o Agenciji za rad i zapošljavanje BiH, radi razmatranja i usvajanja po osnovnom zakonodavnom postupku. Ustavnopravna komisija Doma naroda Parlamentarne skupštine BiH, na 31. sjednici, održanoj 16.2.2009. godine, u svojstvu nadležne komisije razmatrala je Prijedlog zakona o

izmjenama i dopunama Zakona o Agenciji za rad i zapošljavanje BiH, predlagača Vijeća ministara Bosne i Hercegovine. Tada je Komisija, jednoglasno, utvrdila sljedeće:

1. Postoji valjan ustavnopravni osnov za donošenje Zakona o izmjenama i dopunama Zakona o Agenciji za rad i zapošljavanje BiH;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Komisija je, tada, jednoglasno podržala principe predloženog Zakona. Dom naroda Parlamentarne skupštine Bosne i Hercegovine je na 25. sjednici održanoj 26.2.2009. godine, usvojio Prijedlog zakona o izmjenama i dopunama Zakona o Agenciji za rad i zapošljavanje BiH, u prvom čitanju. U daljnjoj elaboraciji o Prijedlogu zakona, predsjedavajući Komisije je istakao da je Zoran Koprivica, delegat u Domu naroda Parlamentarne skupštine BiH, uložio 5 amandmana na tekst Prijedloga zakona. Od Hazima Rančića, delegata u Domu naroda, podnosioca amandmana stigao je dopis u kome on odustaje od ranije uložених amandmana.

Zatim je predložio diskusiju o ovom Zakonu.

U diskusiji koja je uslijedila, učestvovali su Zoran Koprivica, podnosioc amandmana; dr Hilmo Neimarlija, delegat u Domu naroda i Sredoje Nović, ministar Ministarstva civilnih poslova BiH.

Nakon provedene rasprave, Ustavnopravna komisija Doma naroda Parlamentarne skupštine BiH jednoglasno je usvojila sljedeće amandmane:

Amandman I.

U članu 1. Prijedloga zakona riječ „administrativne“ briše se.

Amandman II.

U članu 2. Prijedloga zakona, koji se odnosi na član 6. Zakona, mijenjaju se tačke a), d), m) i n) koje glase:

„a) u oblasti zapošljavanja iz svoje nadležnosti predstavlja Agenciju i sarađuje s nadležnim agencijama, institucijama i međunarodnim organizacijama u tim oblastima“.

„d) inicira sklapanje međunarodnih ugovora u oblasti zapošljavanja i učestvuje u vođenju pregovora za sklapanje međunarodnih ugovora u oblasti socijalnog osiguranja za dio nezaposlenosti i prati njihovo provođenje u saradnji sa zavodima za zapošljavanje entiteta i Brčko Distrikta BiH“.

„m) u saradnji s entitetskim zavodima za zapošljavanje i Zavodom za zapošljavanje Brčko Distrikta BiH, osigurava potrebne podatke u oblasti nezaposlenosti, posebno one koji se odnose na ispunjenje međunarodnih obaveza;“

„n) dostavlja svoje redovne godišnje izvještaje o radu i godišnje programe rada Vijeću ministara.“

Amandman III.

U članu 3. Prijedloga zakona, koji se odnosi na član 7. Zakona, u novom stavu (2) iza riječi „saglasnost“ stavlja se tačka, a riječi: „putem resornog ministarstva BiH i uz njegovo mišljenje“, brišu se.

Amandman IV.

U članu 4. Prijedlog zakona, koji se odnosi na član 9. Zakona, prva rečenica mijenja se i glasi: „Direktor Agencije ima jednog zamjenika koji mu pomaže u vođenju Agencije.“

Amandman V.

Član 5. Prijedloga zakona briše se.

Brisanjem člana 5. članovi 6., 7., 8. i 9. postaju članovi 5., 6., 7. i 8.

Nakon rasprave, Ustavnopravna komisija Doma naroda Parlamentarne skupštine BiH jednoglasno je utvrdila sljedeće: Ustavnopravna komisija jednoglasno prihvata tekst Prijedloga zakona o izmjenama i dopunama Zakona o Agenciji za rad i zapošljavanje BiH i predložene amandmane, te predlaže Domu naroda njegovo usvajanje.

U skladu s odredbom člana 107. Poslovnika, za izvjestioca u Domu Komisija imenuje Ivu Miru Jovića, predsjedavajućeg Komisije.

Ad 4. Ostala pitanja

U okviru ove tačke dnevnog reda, Komisija je razmatrala i jednoglasno usvojila informaciju o posjeti članova Ustavnopravne Komisije Doma naroda Bundesratu u SR Njemačkoj ostvarenoj u periodu od 1.4.2009. do 4.4.2009. godine.

Dr Zijad Hasić, sekretar Komisije je, zatim, podsjetio članove Komisije na planiranu posjetu Venecijanskoj komisiji. On je istakao da je, prema Orjentacionom radnom planu Komisije za 2009. godinu, ova posjeta predviđena za mjesec novembar 2009. godine, te da je potrebno utvrditi koji će članovi ići u posjetu.

Ivo Miro Jović, predsjedavajući Komisije, predložio je, a što su članovi komisije prihvatili, da se Kolegiju Doma naroda uputi zahtjev za odobrenje putovanja svih članova Komisije, te da Kolegij obaveže službe Parlamentarne skupštine BiH da ovu aktivnost provedu na najbolji način.

Nakon toga, Komisija je završila svoju sjednicu u 11,55 sati

SEKRETAR USTAVNOPRAVNE
KOMISIJE

dr. Zijad Hasić

PREDSJEDAVAJUĆI
USTAVNOPRAVNE KOMISIJE

Ivo Miro Jović